

De réir fhorálacha an Achta Leictreachais (Soláthar) 1927 (leasú) cuireann an Bord a Thuarascáil Bhliantúil agus Cuntais i láthair don bhliain dár críoch 31ú Nollaig, 2003.

## Feidhmíocht i 2003

### Brabúsacht

Tháinig méadú de €89m go €249m ar bhrabús grúpa tar éis cánach, ar léiriú é ar roinnt fachtóirí ar nós mhéadú ar ioncaim chomh maith leis an tionchar a bhí ag an laghdú ar líon na foirne agus ag tionscnaimh eile chun costais a laghdú, a baineadh amach go dtí seo faoin gclár 'Programme to Achieve Competitiveness and Transformation' (PACT). Chun an brabús sin a chur i gcomhthéacs ba é an tAiscur ar Chaipiteal a húsáideadh ná 6.8% i gcomparáid le 5.5% i 2002. Fós féachtar ar an leibhéal aiscur sin mar leibhéal neamhleordhóthanach i gcomparáid leis an leibhéal ollmhór infheistíochta caipitil atáthar a dhéanamh agus i gcomparáid le haiscúir cuideachtaí eile san Eoraip.

In ainneoin an mhéadaithe sin ar bhrabúsacht ní raibh an sreabhadh airgid thirim ó oibriúcháin dóthanach ach le maoiniú a dhéanamh ar 41% de Chlár Caipitil na bliana, rud a d'fhág gur tháinig méadú ar iasachtaí glan go €701m. Mar chuid de na hiasachtaí ardaithe sin, i Nollaig 2003, bailíodh os cionn SA\$1bn trí eisiúint fhiach Láithriú Príobháideach sna SA.

Tá an bord ag moladh dibhinn de €67m don bhliain, ardú de €27m ar 2002.

### An Margadh

Tháinig ardú 3.3% ar an margadh leictreachais in Éirinn i 2003 i gcomparáid le 2.6% i 2002. Leanann an t-ardú sin ag cur brú ar chorrach toillte córais. Tá na srianta atá ar BSL maidir le toilleadh ginte nua fós i bhfeidhm. Chun tabhairt faoin bhfadhb sin sa gheartearma tá buaicthoilleadh de 104WW breise coimisiúnaithe ag an

BSL, i gcomhaontú leis an Rialtóir, agus tá sé i mbun conartha chun 170MW toillte a thabhairt isteach as Tuaisceart Éireann. San fhadtearma, tá conarthaí 'tionscnamhacha' deich mbliana tairgthe againn do dhá ghineadóir nua, Tynagh Energy agus Auginish Alumina agus ba chóir go gcuideodh sé sin chun aghaidh a thabhairt ar an bhfadhb toillte ó 2006 ar aghaidh.

Tá moladh mór ag dul don Aire Cumarsáide, Mara agus Acmhainní Daonna, Dermot Ahern T.D., de bharr an fhógra a rinne sé le deireanaí maidir le hidirnascaire leictreachais leis an mBreatain Bheag. Éascóidh sé sin, amach anseo, margadh uile-oileáin agus tacaíonn BSL go hiomlán leis an gcuspóir sin.

### Oscailt an Mhargaidh

Le linn 2003, bhí 40% den mhargadh, tomhaiste de réir díolachán leictreachais, oscailte do chomórtas. Ón 19ú Feabhra 2004 tháinig ardú go 56% air sin. Beidh an margadh oscailte go hiomlán do chomórtas i 2005, dhá bhliain níos luaithe ná mar is gá faoi Threoir Leictreachais AE.

### Leathanbhanda

Chuireamar críoch le líonra snáthoptaice a shíníonn anois 1300km agus a chuireann go go mór le síneadh seirbhísí leathanbhanda ar fud na tíre.

## Infheistíocht sa Todhcaí

Bhí caiteachas caipitil BSL i 2003 ag leibhéal nach facthas riamh roimhe seo ag €1,294m. Bhain cuid mhór den chaiteachas sin le hinfheistíocht inár líonraí inár ceanglaíodh an líon is mó custaiméirí nua riamh, 77,121 i 2003.

In ainneoin an riachtanais práinne a bhí ann d'infheistíocht shuntasach in ár líonra tarchuir ardteannais ba chúis díomá a bhí ann go raibh an caiteachas a rinneadh anseo níos ísle ná an bhliain roimhe sin de bharr cúrsaí pleanála agus nithe eile a chuir moill ar chúrsaí.

Leanann BSL ag infheistiú i monarchana ginte cumhachta i bPoblacht na hÉireann, i dTuaisceart Éireann agus sa Spáinn. Tá tógáil á déanamh ar dhá stáisiún dóite móna i nDroichead na Sionainne agus i mBéal Átha Liag a chosnóidh timpeall €460m nuair a bheidh siad críochnaithe. Tugadh comhaontuithe dúnta chun críche le foireann i stáisiún mhóna i Ród, i nDroichead na Sionainne, i mBéal Átha Liag, i gCathair Saidhbhín agus i mBéal Átha Chomhraic agus éascóidh na comhaontuithe sin díchoimisiúnú a dhéanamh orthu de réir a chéile nó go mbeidh an dá mhonarcha nua ag feidhmiú go hiomlán.

Déanfar cinneadh maidir le tothchaí Giniuna Ghob na Muine, a dteastaíonn infheistiócht de os cionn €200m do theicneolaíocht glanta astaíochta le go gcomhlíonfaidh sé ár n-oibleagáidí comhshaoil, le linn 2004. Ní féidir an cinneadh infheistióchta sin a dhéanamh ach i gcomhthéacs comhaontuithe deachleachtais do shuiteáil trealaimh agus oibríocht agus cothabháil leanúnach na monarchan. Déanfar coimisiúnú ar mhonarcha 400MW go luath i 2005 i gCúil Chaorach gar do Dhoire i dTuaisceart Éireann. Nuair a bheidh sé coimisiúnaithe soláthróidh an mhonarcha sin sciar shuntasach do mhargadh Thuaisceart Éireann. Táimid freisin ag tógáil monarcha 755 MW i Amorebieta, gar do Bilbao i dtuaisceart na Spáinne. Táthar ag tnúth go mbeidh an monarcha sin réidh le coimisiúnú ag deireadh 2005.

## Comhshaoil

Tá BSL tiomanta gineadh ó acmhainní inathnuaite a fhorbairt. Faoi láthair tá teorainn curtha le fás an fhuinimh ó acmhainní inathnuaite de bharr an laghad fáil atá ar naisc chuig an griolla náisiúnta leictreachais. Chun go mbeidh ar

chumas an fhoinsé fuinnimh sin fás tá sé ríthábhachtach go dtabharfadh EirGrid, an comhlacht reachtúil le freagracht as naisc chuig an ngriolla, aghaidh ar an tsaincheist sin láithreach.

Chuir an sciorradh talún i nDoire Bhriain, Co. na Gaillimhe stop le hobair ar fheirm ghaoithe fhochuideachta de chuid BSL, Hibernian Wind Power Teoranta. Tá roinnt tuarascálacha teicniúla maidir leis an eachtra eisithe. Tá Hibernian Wind Power Teoranta ag déanamh staidéir go cúramach ar na tuarascálacha sin agus tá sé tiomanta go hiomlán na moltaí atá iontu a fheidhmiú.

## Freagracht Shóisialta Chorporáideach

Táimidne i mBSL tiomanta le fada d'fhás agus d'imharthanacht ár ngnó agus ag an am céanna cur go dearfach leis an tsochaí agus leis an timpeallacht. Tacaíonn BSL leis an gcoincheap a bhaineann le freagracht chorporáideach tríd ár ról i 'Gnó sa Phobal', eagraíocht a sholáthraíonn comhairle do chuideachtaí agus d'eagraíochtaí a roghnaíonn leas a bhaint as polasaí maidir le freagracht chorporáideach. Ar an mbealach sin táimid tiomanta, chomh maith le cuideachtaí móra eile in Éirinn, tuarascáil 'Freagracht Chorporáideach' a fhoilsiú. Cinnteoidh foilseachán na tuarascála sin, a eiseofar sa 3ú Ráithe in 2004, go gcuirfidhne cuntas cruinn agus cothrom i láthair dár bpáirtithe leasmhara ar conas mar a chuirfidh le saol ár gcustaiméirí, ár bhfoirne, leis an gcomhshaoil agus leis an bpobal mar shaoránach chorporáideach freagrach agus cinnteoidh sé freisin le himirt ár róil maidir le sochaí níos inmharthanaí agus níos cothroime a chruthú.

**Táimidne i mBSL tiomanta le fada d'fhás agus d'imharthanacht ár ngnó agus ag an am céanna cur go dearfach leis an tsochaí agus leis an timpeallacht.**

## An Fhoireann

Ba mhéala mór dá muintir, dá bpobail agus don chuideachta ab ea bás beirt dár gcomhghleacaithe agus an dorchghortú a bhain do dhuine eile i dtimpiste thubaisteach i Stáisiún Ginte Tairbeart i mí Iúil 2003. Ghoill sé go mór ar fhoireann an stáisiúin agus ar gach duine i mBSL.

Bhásaigh beirt chonraitheoirí a bhí ag obair do BSL de bharr timpistí le linn na bliana freisin. Déanaimid comhbhrón ó chroí lena muintir agus lena gcairde. Meabhraíonn na timpistí sin dúinn arís an tábhacht a bhaineann le sprioc BSL deireadh iomlán a chur le gortuithe i measc na foirne, conraitheoirí agus an phobail.

### An Bord

Níor tháinig aon athrú ar chomhdhéanamh an Bhoird le linn 2003.

## Páirtithe Leasmhara

Ba mhaith liom buíochas a ghlacadh leis an Aire agus le hoifigigh na Roinne Cumarsáide, Mara agus Acmhainní Nádurtha as an gcúnamh leanúnach a thug siad dúinn le linn na bliana. Ba mhian liom aitheantas a thabhairt freisin don obair mhór a rinne an Bord agus foireann BSL le linn 2003.



**Tadhg O'Donoghue**

An Cathaoirleach

23 Márta 2004